

sullen, alz von Lipziger margkt nestkomen obir eyn jar und habin om darvor czu pfande yngesaczt eyn wyse, gelegin an Payszinkezes wyse, ab sy on nicht bezaltin, alz vorgeschr(ieben) stehit, daz er sich syns geschr(iebenen) geldis daran erholin sal. Auch worde om korczung an der wysin, so habin sy ôms globit, zu irstattin mit andern irem gute. Dy wyse habin wir Fynebatticher zu synir hant geligin zu pfande, alz phandes recht ist und obin geschr(ieben) stet. Actum ipse die Georgii anno etc. XXXVII°.

## 851.

1437 Juni 1

***Conrad Oheim aus Elsterberg verleiht Geld, erhält dafür einen Leibzins und nach seinem und seiner Frau Tod soll das Geld an verschiedene Kirchen gehen.***

*fol. 157v* Wiszit das Cunrad Oheine czu Elzsterberg Funkelen geligin hat 33 ß 20 gr, darvon er om und syme wibe, dy wile sy lebin, jerlichin reichen und gebin sal 33 ß 20 gr, halb Martini und halb uff pfingisten. Und wenne er von todes weyn abegestirbit und syn wip, so hat er bestalt, das daz selb gelt volgin sal czu unsern gotz husern und czu Limpach, czu Unser Libin Frauwin 10 ß nuwer gr, zu sente Katherinen 10 ß, czu den parfoszin brudern 10 ß und 3 ß 20 gr keyn Lympach an alle wydirsprache synir frunde und nehistin anwartin. Actum sabbato post corporis apud proconsulem Alznicz et suorum consedentium anno etc. XXXVII°.

## 852.

1437 Juni 9

***Gerichtliche Einigung zwischen Lorenz Preger und Horleman über eine offene Schuld.***

*fol. 157v* Geschen am sontage noch Eraszmi ist Lorenz Preger komen vor ein siczczindin rath mit syns hern briff und hat Horleman geschuldigit umbe hundert guldin, dy er habe uff dem forberg zu Wyszynborn, des sich Horleman undirczogin, vorkauft und yngenomen habe, darczu om Horleman neyn sagit. Alz wart beteydigit, er salde om daz recht, alz hute gethan habin, ist zwyschzin on bereth, daz umbe daz recht sal gutlichen blybin anstehen, uff Lorenczin bedengkin. mane ôñ Lorenz mit wyszin eyns rath umbe daz recht, so sal oms Horleman thûn mane er ôñ nicht, so sulle er des rechtin ledig und losz blybin, das haben sy beydirsyt so verwillet, stette und unvorbruchlichin zu haldin vor dem burgermeister Olznicz und synen kûmpanen am mantage ym XXXVII jar der mynnern czal etc.